



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Radvlfo Abbati Ecclesiae sanctae Osytae de Chuc, ejusque fratribus tam
prsaesentibus quàm futuris regularem vitam professis in perpetuum.

urn:nbn:de:hbz:466:1-20006

nominato, depositionibus testium legitime comprobavit. Verum pars Abbatum, ut responsionem adversæ partis elideret, quæ instrumentum donationis viribus carere dicebat, illius temporis alia instrumenta produxit, ut ex eorum collatione, cum non essent publica manu confecta, instrumentum suum authenticum appareret, cum simplicitas hominum illius temporis talia non requireret. Sed pars adversa & illud & alia reprobat. Porro instrumenta partis adversæ, quæ notam falsitatis habere pars proponebat Abbatum, etiam si vera essent, in nullo sibi posse nocere dicebat, cum in priori iudicio fuissent exhibita: ubi & hæc & alia quæ posset objicere pars adversa, sive commissa fuerint, vel etiam allegata, audiri ulterius non deberent, ne lites fierent immortales, quæ prætextu instrumenti post reperti non debent ullatenus instaurari. Querela quoque falsi, quam volebat proponere pars adversa, viginti annorum spatium non excedit; & cum à tempore lata sententiæ quadraginta anni & amplius, à tempore verò liti motæ triennium sit elapsum, querela falsi non poterat ulterius intentari. Cum itaque hæc, quæ præmissimus, & similia multa præfati auditores nobis & fratribus nostris prudenter & fideliter retulissent; nos communicato fratrum nostrorum consilio, quamvis fortè dicto instrumento donationis non sit plurimum innitendum, nec confirmationibus, vel privilegiis, quæ de ipso causam & originem acceperunt, attendentes quòd quantum ad litigantes ipsos jus ex sententiæ factum fuit postquam in rem transit iudicatam, etiam si contra jus litigatoris lata fuisset, cum contra jus constitutionis expressè lata non fuerit, veritate gestorum sermonibus prævalente, quæ præsumuntur rite per omnia celebrata; statuimus, & per sententiam diffinimus, ut Archipresbyter sancti Proculi, qui pro tempore fuerit, fidelitatem & obedientiam præstet Abbati sancti Zenonis. Et quia de aliis capitulis tunc controversia non fiebat, cum pars adversa in priori iudicio se super his Abbati subditam non negaret, decernimus ut Ecclesia sancti Proculi monasterio sancti Zenonis pleno sit jure subiecta, & ut Archipresbyter & Clerici memorati super his, scilicet institutione, destitutione, & ceteris articulis memoratis, quæ pro

monasterio in iudicium deducta fuerint, Abbati sancti Zenonis tanquam subditi Prælo respondeant. Chrisma quoque à monasterio sancti Zenonis recipiant, & sic, eo mediante, ab Ecclesia Veronensi. Verum dicti Archipresbyter & Clerici locandi, dislocandi, emendi, vendendi etiam res modicas ipsius Ecclesiæ, non autem maximas, per quas immobilia & ornamenta & vasa sacra intelligi volumus, canevarios etiam & alios officiales Ecclesiæ instituendi, & officandi præfatas capellas suas, & instituendi Clericos & inclusas in eisdem capellis, sine Abbatis licentia, liberam habeant facultatem; dummodo super præmissos officiales eidem Abbati correctio tanquam super ipsis Clericis Ecclesiæ sancti Proculi reservetur. Eligendi etiam sibi fratres, & præficiendi sibi Archipresbyterum qui à jamdicto Abbate investituram accipiat, & eidem obedientiam repromittat, præsentandi quoque ordinandos Abbati, & eo mediante, Veronensi Episcopo, ac celebrandi baptisma, plenam potestatem eos habere censemus. Nulli ergo &c. Datum Romæ apud S. Petrum, XIII. Kal. Iulij.

RADVLFO ABBATI ECCLESIE sanctæ Osytae de Chuc, ejusque fratribus tam presentibus quam futuris regularem vitam præf. in perpetuum.

Plæ postulatio voluntatis effectu debet prosequente compleri; ut & devotionis sinceritas laudabiliter enitescat, & utilitas postulata vires indubitanter assumat. Eapropter, dilecti in Domino filij, &c. usque ad verbum annuimus, & præfata Ecclesiam sanctæ Osytae, in qua divino mancipati estis obsequio, sub beati Petri & nostra protectione suscipimus, & præsentis scripti privilegio communimus. In primis siquidem statuentes ut ordo canonicus, qui secundum Deum & beati Augustini regulam in eadem Ecclesia institutus esse dignoscitur, perpetuis ibidem temporibus inviolabiliter observetur. Præterea, quascunque possessiones &c. in quibus hæc propriis duximus exprimenda vocabulis. Locum ipsum in quo præfata Ecclesia sita est, cum omnibus pertinentiis suis, totum manerium de Chuc, cum omnibus pertinentiis suis, Ecclesias de Sudministra, & de Meilande, cum duabus hidis terræ, & Marfido, & decimis,

*Epist. 284.
De ordinis privilegiorumque confirmatione, & norma vivendi.*

& omnibus pertinen. suis, Ecclesiam de Clacheton, Ecclesiam de Hoilanda, Ecclesiam de Michelestouve, Ecclesiam de Huggelleia, Ecclesiam de Perham, Ecclesiam de Denham, Ecclesiam de Sopi-land, Ecclesias de Bliebure, Ecclesias de Stouvemarchet, Ecclesiam de Neuthonia, & Ecclesiam de Hillejauverri, cum omnibus libertatibus & pertinen. suis, sicut in authenticis donatorum & Episcoporum noscitur contineri. Transfectionem insuper quæ inter Ecclesiam vestram & Ecclesiam sancti Pauli Londoniensis super Ecclesiis de Sudministra, & de Meilande, & de Alestorn, & earum pertinentiis, amicabiliter intervenit, sicut sine pravitate facta est & ab utraque parte recepta, & hactenus observata, & in instrumentis exinde confectis continetur, auctoritate apostolica confirmamus. Sanè novalium vestrorum, quæ propriis manibus &c. Liceat quoque vobis Clericos & laicos &c. Prohibemus insuper ut nulli fratrum vestrorum &c. nisi arctioris religionis obtentu &c. Discedentem verò &c. Cum autem generale interdictum terræ fuerit &c. Chrisma verò &c. per diocesanum Episcopum gratis & sine pravitate aliqua vobis volumus exhiberi. Prohibemus insuper ut infra fines parochiæ vestræ nullus sine assensu diocesani Episcopi & vestro capellam &c. Salvis tamen privilegiis Romanorum Pontificum. Ad hæc, novas & indebitas exactiones ab Archiepiscopis, Episcopis, Archidiaconis, seu Decanis, aliisque omnibus ecclesiasticis secularibusve personis omnino fieri prohibemus. Libertates præterea & immunitates &c. Sepulturam præterea &c. Salva tamen iustitia illarum Ecclesiarum à quibus &c. Obeunte verò &c. Paci quoque ac tranquillitati vestræ &c. Decernimus ergo &c. Si qua igitur &c. Datum Romæ apud sanctum Petrum per manum Rainaldi Domini PP. Notarij, Cancellarij vicem agentis, Idibus Iunij, Indictione prima, incarnationis Dominicæ anno M C XCVIII. Pontificatus verò Domini Innocentij PP. III. anno primo.

SEGOBIEN. EPISCOPO.

Cum à nobis peritur &c. usque effectum. Sanè, sicut nobis intimare curasti, cum in Ecclesia tua vis aliquem Canonicum seu portionarium ordinare,

licet multorum habeas in ipsa ordinatione consensum, pauci tamen quandoque non tam de ratione quam propria voluntate ipsam ordinationem impediunt, & te in ipsa procedere non permittunt. Nolentes igitur ut institutiones ecclesiastica tali occasione temerè valeant impediri, fraternitati tuæ auctoritate presentium indulgemus ut nisi à paucioribus & inferioribus aliquid rationabile objectum fuerit & ostensum, ordinandi Canonicos seu portionarios appellatione remota liberam habeas facultatem, semperque prævaleat & suum consequatur effectum quod cum majoris & sanioris parte Capituli per te fuerit institutum. Quod si aliqui fortè se duxerint absentandos, dum volueris in huiusmodi ordinatione procedere, & accedere vocati noluerint, eorum appellatione seu contradictione nequaquam obstante nostra fretus auctoritate procedas. Nulli ergo &c. Datum &c. IV. Idus Iunij.

ABBATI MONASTERII sancti Germani Antisiodoren. ejusque fratribus tam presentibus quam futuris regularem vitam professis in perpetuum.

Effectum justa postulantes indulgere & vigor equitatis & ordo exigit rationis, præsertim quando perentium voluntates & pietas adjuvat, & veritas non relinquit. Eapropter, dilecti in Domino filij, vestris iustis postulationibus clementer annuimus, & præfatum monasterium, in quo divino mancipati estis obsequio, ad exemplar prædecessorum nostrorum felicis memoriæ Eugenij, Adriani, Clementis, & Celestini Romanorum Pontificum sub beati Petri & nostra protectione suscipimus, & presentis scripti privilegio communitimus. In primis siquidem statuentes ut ordo monasticus, qui secundum Deum & beati Benedicti regulam in eodem monasterio institutus esse dignoscitur, perpetuis ibidem temporibus inviolabiliter observetur. Præterea quascunque possessiones, quæcunque bona, &c. usque ad permaneant. in quibus hæc propriis duximus exprimenda vocabulis. Locum ipsum in quo præfatum monasterium situm est, cum omnibus pertinent. suis. In episcopatu Antisiodoren. Ecclesiam sancti Lupi, Ecclesiam Digix, Ecclesiam de Escant, Ecclesiam de Pa-

leat majora & saniora suffragia reliquorum.

Epist. 286. De eorum privilegiis, & quod recipiantur sub protectionem apostolicam.

Epist. 285. De eorum privilegiis, & quod recipiantur sub protectionem apostolicam.

Epist. 285. Abicentium vel etiam temerè repugnantium sententias neglectis, præva-